



Broj: 02-05-21353-5/12
Sarajevo, 05.07.2012. godine

Na osnovu čl. 22. i 24. stav 4. Zakona o Vladi Kantona Sarajevo ("Službene novine Kantona Sarajevo", broj: 24/03 - Prečišćeni tekst), Vlada Kantona Sarajevo, na **78.** sjednici održanoj **05.07.2012.** godine, donijela je sljedeći

Z A K L J U Č A K

1. Utvrđuje se Prijedlog odluke o dopunama Odluke o usvajanju projekta „Opsada i odbrana Sarajeva 1992-1995. godine“.
2. Predlaže se Skupštini Kantona Sarajeva da doneše odluku iz tačke 1. ovog Zaključka, a u skladu sa čl: 111. i 113. Poslovnika Skupštine Kantona Sarajevo („Službene novine Kantona Sarajevo“, broj: 25/10).

P R E M I J E R

Fikret Musić

Dostaviti:

1. Predsjedavajuća Skupštine Kantona Sarajevo
2. Skupština Kantona Sarajevo
3. Premijer Kantona Sarajevo
4. Ministarstvo za boračka pitanja
5. Evidencija
6. Arhiva



web: <http://vlada.ks.gov.ba>
e-mail: premijer@ks.gov.ba;
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1



Na osnovu člana 18. stav 1. tačka b) Ustava Kantona Sarajevo ("Službene novine Kantona Sarajevo", br. 1/96, 2/96-Ispravka, 3/96-Ispravka, 16/97, 14/00, 4/01 i 28/04), Skupština Kantona Sarajevo na sjednici od _____ 2012.godine, donijela je

PRIJEDLOG

O D L U K U O DOPUNAMA ODLUKE O USVAJANJU PROJEKTA “OPSADA I ODBRANA SARAJEVA 1992.-1995.GODINE”

I

U Odluci o usvajanju Projekta "Opsada i odbrana Sarajeva 1992.-1995.godine" ("Službene novine Kantona Sarajevo", br.9/06 i 15/07), u tački II dodaje se nova podtačka 11. koja glasi: "11. Podprojekat stavljanja u funkciju i preuređenja objekta restorana "Kon-Tiki" ("Kod Sonje") u spomen obilježje – Muzej stradanja Bosanaca i Hercegovaca, koji bi podsjećao na događaje u periodu 1992.-1995.godine."

II

U tački IV dodaje se nova podtačka 1.11 koja glasi:
"1.11 Podprojekat stavljanja u funkciju i preuređenja objekta restorana "Kon-Tiki" ("Kod Sonje") u spomen obilježje – Muzej stradanja Bosanaca i Hercegovaca, koji bi podsjećao na događaje u periodu 1992.-1995.godine.

Nosilac aktivnosti: Ministarstvo za boračka pitanja Kantona Sarajevo, Zavod za izgradnju Kantona Sarajevo, Fond Memorijala Kantona Sarajevo i općina Vogošća."

III

Ova Odluka stupa na snagu danom objavljivanja u "Službenim novinama Kantona Sarajevo".

Predsjedavajuća
Skupštine Kantona Sarajevo

Prof.dr. Mirjana Malić

Broj:
Sarajevo,

OBRAZLOŽENJE

I – PRAVNI OSNOV

Pravni osnov za donošenje Odluke o dopunama Odluke o usvajanju projekta „Opsada i odbrana Sarajeva 1992.-1995.godine“ sadržan je u odredbama člana 18. stav 1. tačka b) Ustava Kantona Sarajevo («Službene novine Kantona Sarajevo», br. 1/96, 2/96, 3/96, 16/97, 14/00, 4/01 i 28/04).

II – RAZLOZI ZA DONOŠENJE

U okviru realizacije inicijative pokrenute od strane Saveza udruženja logoraša Kantona Sarajevo, sačinjen je tekst Odluke o dopunama Odluke o usvajanju projekta „Opsada i odbrana Sarajeva 1992.-1995.godine“, kojim se u ovu Odluku unosi novi Potprojekat kojim se stavlja u funkciju i preuređuje objekat restorana „Kon-Tiki“ („Kod Sonje“) u spomen obilježje – Muzej stradanja.

Objekat restorana „Kon-Tiki“, predratni naziv „Kod Sonje“ smješten na području općine Vogošća bio je ratni zloglasni logor, gdje je agresor vršio strašne zločine i torture, mučenja, silovanja i ubijanja zarobljenih i nedužnih civila, žena, djece i staraca nesrpske nacionalnosti, od kojih mnogi nisu preživjeli ili su ostali sa trajnim zdravstvenim i psihičkim posljedicama. U ratnom periodu 1992.-1995.godine agresor je na ovom lokalitetu organizirao logor u kojem su stradali naši mnogobrojni sugrađani, te smatramo da bi ovaj objekat trebalo preuređiti u spomen obilježje – Muzej stradanja Bosanaca i Hercegovaca koji bi podsjećao na događaje iz tog perioda. Pomenuti objekat bi takođe integrисали u prostor za smještaj, radnu okupaciju i resocijalizaciju demobilisanih boraca i logoraša oboljelih od PTSP-a.

Iz svih navedenih razloga predlažemo da Skupština Kantona Sarajevo usvoji ovaj Prijedlog Odluke o dopunama Odluke o usvajanju projekta „Opsada i odbrana Sarajeva 1992.-1995.godine“.

III - USKLAĐENOST SA LEGISLATIVOM EVROPSKE UNIJE

Ministarstvo pravde i uprave Kantona Sarajevo izjasnilo se da tekst Prijedloga ove Odluke je usaglašen sa Konvencijom o zaštiti ljudskih prava i osnovnih sloboda i drugim pravnim aktima kojima je utvrđena zaštita ljudskih prava i sloboda.

IV - OBJAŠNJENJE PRAVNIH RJEŠENJA SADRŽANIH U ODLUCI

U tački I ovog Prijedloga u okviru tačke II dodaje se nova podtačka 11. kojom se uvodi u Odluku novi potprojekat i to: "Potprojekat stavljanja u funkciju i preuređenja objekta restorana „Kon-Tiki“ („Kod Sonje“) u spomen obilježje – Muzej stradanja Bosanaca i Hercegovaca koji bi podsjećao na događaje u periodu 1992.-1995.godine“.

U tački II novi Potprojekat stavljanja u funkciju i preuređenja objekta restorana „Kon-Tiki“ uvrštava se kao nova podtačka 1.11 u tački IV gdje se definišu i nosioci aktivnosti i to Ministarstvo za boračka pitanja, Zavod za izgradnju Kantona Sarajevo, Fond Memorijala i općina Vogošća.

FINANSIJSKA SREDSTVA

Predlaže se da Skupština Kantona Sarajevo donese Prijedlog ove Odluke iz razloga, jer je dio novčanih sredstava za realizaciju obezbjeđen u Budžetu za 2012. godinu na poziciji Opsada i odbrana Sarajeva 1992.-1995.godine. Ostatak potrebnih sredstava za realizaciju ove Odluke planiraće se u Budžetu za 2013.godine.

PRILOZI:

1. Izvod iz Ustava Kantona Sarajevo („Službene novine Kantona Sarajevo“, br.1/96, 2/96 – Ispravka, 3/96 – Ispravka, 16/97 (Amandmani I-XIII), 14/00 (Amandmani XIV-XV), 4/01 (Amandmani XVI-XVIII) i 28/04 (Amandmani XIX-XLII),
2. Odluka o usvajanju projekta „Opsada i odbrana Sarajeva u periodu od 1992.-1995.godine“ („Službene novine Kantona Sarajevo“, broj 9/06),
3. Odluka o izmjeni i dopuni Odluke o usvajanju projekta „Opsada i odbrana Sarajeva 1992.-1995.godine“ („Službene novine Kantona Sarajevo“, broj 15/07).

PRILOZI